

Prvi zamjenik visokog predstavnika Donald Hays pozvao na donošenje bitnih zakona radi otklanjanje nedostataka u sistemu visokog obrazovanja u Republici Srpskoj

Prvi zamjenik visokog predstavnika Donald Hays pozvao je zakonodavne organe i prosvjetne radnike u Republici Srpskoj da poduzmu ozbiljne korake kako bi se osiguralo da zakoni iz oblasti visokog obrazovanja u Republici Srpskoj budu u skladu sa evropskim standardima, te da se njima riješe hronični nedostaci u sadašnjem obrazovnom sistemu Republike Srpske.

Ambasador Hays je u utorak u Banjaluci pozvao organe vlasti da donesu značajne amandmane na nacrt Zakona o univerzitetu RS, prije dostavljanja ovog zakona parlamentu na usvajanje. Vijeće Evrope je dalo važne komentare na prvu verziju zakona kojim se ignoriraju fundamentalni principi akademske slobode i koji nije riješio pitanje političkih uticaja i dodjele sredstava od strane vlade fakultetima na univerzitetu.

U drugim zemljama, univerziteti su samostalne institucije odvojene od organa vlasti i sami univerziteti dodjeljuju fakultetima javna sredstva u skladu sa akademskim kriterijima, a ne prema nahođenju političara.

Drugi nacrt zakona nije ništa bolji od prvog. OHR poziva organe vlasti u Republici Srpskoj da u zakon ugrade komentare Vijeća Evrope prije daljeg razmatranja ovog zakona. Ambasador Hays je također pozvao organe vlasti da uzmu u obzir sugestije

u vezi sa tekstom Zakona o univerzitetu koje će dati studenti i rektori univerziteta u narednih šest mjeseci. Oko ove inicijative postignut je dogovor na okruglom stolu održanom u utorak u Banjaluci, kojem je prisustvovao i ambasador Hays.

Nakon saglasnosti koju je prošle sedmice dalo Stalno vijeće OSCE-a, ova organizacija će postati vodeća međunarodna agencija za pitanja obrazovanja u BiH. Pored ostalih organizacija, OHR će i dalje biti duboko angažiran na ovom poslu.